

Supervizor za Brčko imenuje šefa Policije Brčko Distrikta

Supervizor za Brčko, Raffi Gregorian, je danas izdao [nalog supervizora](#) kojim se g. Goran Lujić imenuje za šefa Policije Brčko Distrikta.

Brčko Distrikt nema šefa Policije već više od pet mjeseci. Supervizor Gregorian je odlučio da imenuje šefa Policije tako da dugotrajna neizvjesnost oko budućeg rukovođenja Policijom može biti riješena i da se Policija Distrikta može usredsrediti na borbu protiv kriminala i izvršavanje svojih svakodnevnih dužnosti.

Kada je prethodni šef Policije podnio ostavku na to radno mjesto u kolovozu 2006. godine, Neovisni odbor za odabir i ocjenjivanje rada šefa Policije („Odbor“) je bio dužan da odabere i gradonačelniku predloži kandidata za to radno mjesto.

Odbor je raspisao javni natječaj za radno mjesto šefa Policije u kome su navedeni raznovrsni kriteriji koje svaki kandidat mora da ispuni. Od devetnaest primljenih prijava, Odbor je utvrdio da šest kandidata ispunjava uslove natječaja i obavio razgovore i testirao pet kandidata (jedan kandidat nije došao na razgovor). Odbor je predložio najbolje plasiranog kandidata za šefa Policije i dostavio tu odluku gradonačelniku, koji ju je proslijedio Skupštini Distrikta na odobrenje. Kandidat u stvari nije ispunio sve tehničke uvjete propisane natječajem, te je stoga zvanično diskvalificiran kao kandidat za radno mjesto šefa Policije.

Gospodin Goran Lujić je najkvalificiraniji od preostala četiri kandidata za radno mjesto šefa Policije.

Supervizor Gregorian zahvaljuje zamjeniku šefa Policije, Fahrudinu Selimoviću, na njegovoj službi u svojstvu vršioca

dužnosti šefa Policije tijekom proteklih pet mjeseci. Supervizor poziva novog šefa Policije i Odbor za zapošljavanje da po hitnom postupku odaberu najbolje kandidate za preostala rukovodeća radna mjesta u Policiji Brčko Distrikta kako bi se upotpunile rukovodeće strukture u Policiji.